

農 鹽 交 人 藝 古  
務 通 物 文 蹟

二廢作二




續修懷德縣志第七卷

農務

縣農會

農業



續修懷德縣志第七卷

農務

縣農會

自一區區長遲君憲章兼縣農會長也徒擁虛名毫無成績至民國十九年縣農會又行成立公舉畢君樹勳爲會長照章應有區鄉各農會本縣變通辦法只立八區區農會但舉會長未曾開辦所有爲陸軍備糧秣及商民貸款春耕貸款均由縣農會主辦至於提倡農業研究農學則不暇及也

農業

本境土質諸穀咸宜只以農民守舊遂致收成不豐又兼牲畜

日少肥料日艱工質日高担負日重務農者逐漸窮乏弗克自振自輓近以來糧價又落至極點農家不破產者幾希矣急宜力祛舊習講求新法擇選種子研究土宜尤必減輕担負愛惜民力久而久之庶幾農業有振興之日也不然食爲民天農爲國本本若不固國奚恃乎爰將本境農產概況分叙如左

黃豆 查有清摺紳所載昌圖府屬境以藍靛黃豆爲特產尤以懷德爲最優自德國靛油輸入藍靛出產遂無形消滅只餘黃豆一種尙堪爲農家一大收入光緒十九年奧京維也納開萬國博覽會我國日本均有大豆產品二十年後東洋華僑以東省之豆餅輸入東瀛農家用作肥料均甚相宜此爲東省大

豆輸入東洋之始三十四年英輪格別攝斯克號由海山歲載大豆百噸輸入英倫此爲東省大豆輸入歐洲之始自是以後東省大豆豆餅飛聲於東西各國者日漸增高至歐洲戰後各國均感油脂類不足東省豆油之輸出更形猛進三者之輸出以大豆豆餅爲大宗豆油次之其輸出總值佔東省總輸出額百分之五十以上其輸出總量佔全國大豆豆餅豆油輸出總額百分之九十以上可謂鉅矣輸出既多則價值必昂種植益增則農家自裕此我東省經濟活潑之所由來也嗣以農家收穫技術之不精遂雜砂土潮濕而霉爛信用因之大減銷路勢必不暢兼之化學肥料之發明研究土質之變化西歐均能自

植大豆農家不振職是故也况近數年來豆價低落不及往昔紅糧價值之半農家奚以謀生乎有志經濟者急籌挽救之方以紓農家之困庶無凍餓之虞矣本境大豆產額歲可收三十萬石

紅糧 本境所產紅糧爲人食畜料者居其多數其餘則釀酒所必需輸出額極少每歲產額可收四十萬石

穀子 亦屬食品之大宗每歲產額可收二十萬石

赤小豆 酒麴粉條用之爲原料嗣因價值稍昂麴亦減用而粉條一項今都以馬鈴薯代之因是銷路不旺種者日減每歲產額可收五千石

綠豆 用途太少種者無幾每歲產額可收五百石



蘇子 種者亦少每歲產額可收五百石

麻子 只地頭種之未有成响者每歲產額可收五百石

小麥 只以面粉輸入甚多種者漸少每歲產額可收一千五

百石

大麥 酒麴必需之品每歲產額可收一千石

粳子 土質相宜始克種之每歲產額可收一千石

水稻 水田種之每歲產額可收四千石

芝麻 種者無幾每歲產額可收三百石

糜子 亦農家食品之一每歲產額可收二千五百石

包米 亦係食品每歲產額可收四千石

謹按本境旱水田統計三十六萬晌有奇人口三十二萬  
有奇照人口平均每人只應得地一晌有奇大有之年每  
晌地平均收額四石左右歉收之年每晌地收額二石左  
右是豐年每歲可收一百二十萬石荒年每歲只收七十  
萬石以豐荒平均計之是每歲可收百萬石耳再以農產  
種類言之油糧居三分之一食糧居三分之二是每人平  
均食糧不過二石此係以糧言若以米計之不過一石有奇民食維艱職是故也試讀歷  
代國史食貨志可以覘國計之盈絀以國例縣理亦宜然  
居民上者可不於民生加之意乎

續修懷德縣志第八卷

鹽務


徵稅方法

販私罰則

公主嶺緝私局

鹽店

吉黑權運局



續修懷德縣志第八卷

鹽務

懷德向食奉塩原名曰遼塩有清同治六年始定權釐之法每鹽一石計六百斤權制錢一百六十文光緒三年始設塩局有四八有二四有一二各釐之分宣統二年設東三省塩運使東北塩政始行完備至於吉黑兩省亦銷遼塩聽商人運售光緒末年始行抽捐嗣以弊竇叢生乃行官運之法民國三年將官運各機關併爲吉黑權運局塩運使署爲司東北塩產及遼寧全省之運銷緝私之惟一機關權運局爲司吉江兩省塩之運銷緝私之惟一機關二者均屬於塩務署而受塩務稽核處及

東北政務委員會之監督民國十八年公佈新制度章程即鹽稅徵收歸稽核所財政保管歸財政部之辦法也

### 徵稅方法

東三省鹽運使所轄鹽區八場每場設場長警官等員外設分區設灘務所灘務員一人均由場長督飭辦理該管鹽區產銷緝私事宜緝私局九處每局又設分卡每卡設卡長一人辦理掣驗緝私事宜至於徵稅方法係由稽核所委託中國銀行派員住各場鹽稅局徵收交由官銀號提解省庫茲將民國十八年以來稅制列左

食鹽每担百斤收正稅三元副稅三元

鹵塊每担百斤收稅一元

漁鹽每担收稅一元五角

南滿鐵道瀘水用鹽減稅每担收稅二角

鹽精按運銷口岸稅率於運出口時每担收產地稅三分之一

以上各稅率均以國幣爲本位

### 販私鹽之罰則

在三百斤以上者送法廳懲辦三百斤以下者由場局擬處五等有期徒刑或拘役一日准贖一元惟擬處範圍至多不得過稅額十五倍之罰至於私鹽併隨帶各物變價歸公充賞各半

### 公主嶺緝私局

局駐公主嶺驛河南設局長一人局員數人凡懷境食鹽均由該局主之鹽店均由該局領許可執照始克准售

### 鹽店

懷德食鹽滷塊悉由鹽店出售鹽店係由商號兼理計各市鎮約有六十餘家每年約銷食鹽三百萬斤

### 吉黑權運局

懷德與長春爲鄰因是在縣城東街路北分設吉黑權運局倉長一員緝私隊二十名茲將民國十八年度各倉收支各欸數目及緝私隊所在地依次列後

懷德鹽倉收入鹽袋各款



哈洋八百二十二元二角六分

現洋七萬七千七百五十四元八角

奉小洋六十八萬一千九百四十五元二角六分九釐

范家屯鹽倉收入鹽袋各款

哈洋三萬二千七百六十九元零四分八釐

現洋三萬零五百二十四元零一分

公主嶺分銷處收入鹽袋各款

現洋八百三十三元七角

懷德鹽倉支出經營各款

哈洋一萬七千七百九十四元一角

公主嶺分銷處支出經營各款

哈洋八百三十三元七角

懷德鹽倉所屬緝私隊列後

懷德緝私隊

楊大城緝私隊

小雙城堡緝私隊

伏龍泉緝私隊

范家屯鹽倉所屬緝私隊

白龍駒緝私隊

燒鍋店緝私隊

### 伊通邊門緝私隊

謹按懷德食鹽從前統由民運每屆冬季道凍農戶閒暇羣用自己馬車滿載大豆運至營口以易食鹽而返除留自用外賣於棧店計由十一月起至來年正月底止可往返三次每次約獲利制錢一百餘吊此農戶之特別收入也而吉江兩省之農戶則於斯時車載小麥葉菸線麻等農產品運至懷德以易食鹽或雜貨懋遷有無各得其益此又吉黑兩省農戶之特別收入也彼時食鹽在場價額與權釐兩項統計每百斤不過制錢二吊有奇至光緒末年俄修鐵路告成農戶馬車乃無此項收入而鹽價亦逐

漸增長嗣設鹽運使署食鹽之價值更高矣至於吉黑兩  
省設權運局以來路程既遠運費自重官家所定之價勢  
必日昂較之奉省當有貴賤之別故與懷德鄰近各縣民  
戶每有私買奉鹽以圖便宜一被緝獲傾家敗產夫以所  
得不過錙銖之細而所失竟至千百之多農民何愚走斯  
冒險之途乎亦足徵生計維難實逼出此也噫

續修懷德縣志第九卷

交通

公路

縣道

電報

電話

郵局

日本在境內通信機關數目

南滿鐵路附屬地各機關名稱

長途汽車

卷之六

海國圖志卷之六

日本外紀內政

禮儀

官制

刑法

兵制

公制

文藝

海國圖志卷之六

續修懷德縣志第九卷

交通

公路

遼寧省建設廳計畫書所載分公路爲二線一曰幹線二曰支線幹路未有經過懷德境者支線有之名曰彰懷支路茲將該線起點及中間經過各處與他路相接之點列左

本路自洮新幹路之彰武縣城起經賓王府圖王府至遼源渡  
遼河過雙山至懷德與吉省之吉長幹路相接計路長三百三十公里

縣道

由縣城至雙山縣界營子屯一百二十五里

由縣城至長嶺縣界福興長屯九十五里

由縣城至長春縣界戰家店屯十五里

由縣城至長春縣界李家店屯四十五里

由縣城至伊通縣界十三家子屯一百一十里

由縣城至梨樹縣界土龍村七十里

電報

民國十八年度

公主嶺 三等乙級 發收 電 二千三百五十一正 服務三人

范家屯 報房 發收 電 二百五十九 服務一人

懷德縣城 報房 發收 電 三百五十二 服務一人



電話

懷德縣地力電話局

所在地懷德縣城

成立年月民國十年十二月

資本地方集款

綫路里數由縣城至公主嶺計長約九十里

公主嶺電報局附設電話局

所在地公主嶺

成立年月民國十二年十二月

資本官辦

綫路里數由公主嶺至縣城計長約九十里

郵局

懷德縣城郵局 二等三級 職員六人

郵路 懷范路 懷農路 懷楊路 懷秦路 由懷德至長

嶺爲懷長主要路一百八十五里 班期每日一次

公主嶺郵局 二等甲級 職員三人 差役六人 郵路由小

城子至二十家子爲小二路往復一百六十里 班期間日一次

由公主嶺至陶家屯爲公陶路往返百四十三里 班期間日一

次

代辦 朝陽坡 小城子 黑林子 劉房子

范家屯郵局 二等 職員局長一人襄辦一人信差三人郵差二人

郵路由范家屯至懷德爲范懷路距七十里班期每日一次

日本在境內通信機關數目

郵政局所 公主嶺三 范家屯三

電報局所 公主嶺二 范家屯二

電話局所 公主嶺一

謹按東北年鑑此係民國十九年上半年所調查者局所未嘗分清蓋包括言之也

南滿鐵路附屬地各機關名稱

日本南滿鐵路經過懷德界內之各站名稱及里數已載舊志  
茲將未載各種機關列左

農業試驗場 農業學校 農業實習所 醫院 地方事務  
所 支庫 公學堂

### 長途汽車

共和長途汽車行 由懷德至公主嶺范家屯楊大城爲起止  
地點途程共二百三十里

計車四輛資本大洋一萬七千四百元張學顏創辦 永大長  
途汽車行 由懷德至二十家子范家屯爲起止地點途程共  
二百里

計車三輛資本大洋一萬元劉多三創辦  
大城長途汽車行 由楊大城至公主嶺范家屯爲起止地點  
途程共三百四十里  
計車四輛資本大洋一萬元張鳴歧創辦

晴東風輕暖正春大將一洗天容卻如海

兼得此意真箇千里

天賦多情片草計一田園大氣空處正歸禽啼柳中春風雨散

情事三疊皆本大教一詞天際多三疊續

續修懷德縣志第十卷

人物

名宦

鄉賢

儒林

鄉型

壽民

孝子

方伎

烈女

國文

書

李干

嘉元

德盛

謝林

張寶

齊宣

人物

陳朝野史卷之四



續修懷德縣志第十卷

人物

名宦

董文海字次蘇直隸清苑縣人以舉人選授懷德縣儒學訓導性豁達談論風生對於諸生尤善誘掖嘗爲輔翼書院山長代庖閱卷一秉大公生童無間言猶憶其與友人書云冷衙數間師位如同尸位豆腐兩塊素餐眞乃素餐又題儒學明倫堂楹聯云儒服儒冠但願儒生同奉化學詩學禮何幸學校近長春

縣署大堂初有楹聯云懷保具深心看此日花滿河陽豈獨西稱泰化德威期並用待他年柳垂彭澤不惟東可長春與上聯均爲確切不移堪垂不朽但縣署聯不知何人所作奉化係今梨樹舊名又輓左堂典

史錢霖聯云憶九月始訂蘭盟把酒談心杯曾在手望三益孰

開菊徑

錢公好菊所  
植多異種

臨風慘目花亦傷神觀此亦足見公之文采風

流矣嗣以拳匪之亂辦理民團安集地方功保陞知縣在奉天候補未幾返里卒於家

太史桂字芳山奉化縣人以舉人署懷德縣儒學訓導前曾主輔翼書院講席數年又閱縣考試卷一次以故懷德士林大半爲其門生貌魁梧性樸誠家世積德至今尤稱道弗衰云

鄉賢

袁子芳字桂五自幼才氣縱橫倜儻不羈即有才子之目年十九試原籍朝陽縣試第一旋丁母艱未赴院試同治初年入長春學嗣悞歲考被黜或謂賄託學官可開復公曰一領青衿當

求之文章司命安有向學官乞憐者逾年果又入長春學才名振一時再赴秋闈均薦不售乃隱居不出設帳於長春懷德之間垂二十年及門入邑庠食廩餼者十數人如公弟學宏入昌圖府學姪寶廉入長春學皆公手教底於成者華萼聯輝竹林濟美士林榮焉公之教人也以啓性靈爲要精於制藝能發前人所未發爲諸生講經論史也如暮鼓晨鐘發人猛省且引人入勝使學子心曠神怡有欲罷不能之勢循循善誘庶幾近之公於各體詩文應酬尺牘尤爲擅長每當高朋滿座歡笑闋堂遇有求之者揮毫立就及脫稿無不稱善惟不自愛惜稿皆佚散至今存者只有賀令禁止赭衣費碑文而已

前志藝文載之

懷德南鄙

詩書門第自昔以袁魏並稱魏早騰達而袁氏則終於諸生豈  
所謂富貴在天者歟

榮文祚字祇字可民先生之季弟也受業於兄所作詩文均有  
法度入邑庠光緒甲午捷秋闈屢赴南宮累薦不第嗣官戶部  
郎中辛亥國變隱居舊京積書數萬卷以詩文自遣文工駢體  
詩則力學陳石閭先生有新刻陳石閭集及遼東三家合集三  
家者可民先生鹿苹齋詩文集及遼陽房仲南隅夢草堂詩草  
新民劉東閣看雲聽濤館詩也二書寫刻具精公之關心鄉邦  
文獻表彰耆舊著述有非輓近所企及者著有雪石齋詩集行  
世卒年六十

孫嶽金字酉山貢三先生之仲弟也弱冠遊樊即青孝廉門入  
邑庠又從貢三先生學嗣游省垣考萃升書院屢列超等文名  
藉甚五赴秋闈薦而不中設帳里門如梁中書藹卿孔參議郁  
吾皆公教授底於成者庚戌會考始中試以知縣分發吉林任  
饒河縣知事晚年返里纂修縣志著有禮俗表詩文集卒年六  
十

儒林

王炳垚字翮館秦家屯人天資聰敏讀書日盡一卷弱冠游樊  
即青先生門學益進制藝摹大家詩文摹蕭選顧不利於童子  
試爰援例入國學試秋闈亦不售乃隱居不出善解經而說詩

經尤解人頤每際春秋佳日必往戚友學塾小住三二日必爲學子講葛覃簡兮東山諸章口講指畫手舞足蹈專以俗情解文言至輿會淋漓處即優孟效孫叔敖不過如斯也後生小子得公緒餘者均以善講聞於時卒年六十五

畢文林字獻廷壯入邑庠考取奉天宗室學漢教習期滿弗仕隱居里門數十年不履城市堂弟文俊所作詩文均受其指授入邑庠卒年六十有六

周興岐字寶廷邑庠生性敦厚重義宣統三年六月公舉爲公主嶺鎮議事會副議長熱心公益人無間言民國元年七月舉充奉天臨時省議會議員克盡厥職迨奉天第一次招集鄉老

又首當其選亦足見衆望素孚矣卒年八十

卞會瀛字宿垣弱冠從孫貢三先生學入邑庠屢赴秋闈不售  
歷充輔翼書院紳董城西置義地捐金襄事設帳里門如趙仲  
良學士即其高足弟子也生平恂恂無所爭晚年鄉里有武斷  
者公發其奸有司置不理亦包涵焉著有詩文集藏於家卒年  
五十一

梁國祚字藹卿餘三先生之族孫也幼讀書迫於家境輟業餘  
三先生愛其才復令讀家塾中聘名宿孫酉山先生爲之師未  
幾入邑庠科舉停餘三先生爲之捐貲入內閣充第一科中書  
供職數年歿於北京士林惜之卒年三十

胡作新字宜齋入吉林府學懷德創辦商會舉梁公餘三充會長聘君掌記室梁公依之如左右手嗣縣署廢六科改組四科充總務科科員辛亥民君發難縣立保安會舉趙君晉升劉君祉生爲正副會長時趙令榮山蝕車牌捐萬餘元君知之倡議由會請求還欸以應地方急需趙令大怒知理曲恐不敵爰暗唆多人捏詞控告劉君藻霖及君弟作綸以剪保安會之羽翼

時劉君藻霖充城廂董事會總董作綸充董事均兼保安會參事且與各自治會聯合一氣聲勢頗盛

急速捕置之獄欲假革命之罪擬重

典君從容挽救釋之趙令且解任卒歸款焉嗣充江省騎兵一旅書記官染病返里卒於家時年五十一

周駿聲字子適性醇篤讀書通大義屢不利於童子試援例入



國學賀令垣創立義學聘君主講席清貧子弟栽培者甚衆遇市井有爭執事出爲排解咸公允人稱爲長者嗣赴黑龍江省署充差數年以甚勞目力乃返里君目短視續絃日榮戶部社字賀以詩有芙蓉帳裏覓鸞膠之句士林傳爲佳話卒年六十五憲章字子斌性冲和入邑庠歷充勸學所所長城廂董事會總董克盡厥職卒年五十從弟翰章字子書性和易詞鋒條鬯與人語終日不倦充地方自治研究所職員民國元年舉充省議會議員同人咸推重焉嗣充採木公司辦事員竟以勞瘁死職公司厚卹焉卒年四十有五

鄉型

趙公逸其名以其行六故稱之曰六先生又以其商號名運昇號故邑人稱之曰運昇號趙家公生有大略以農爲本以商爲副其子弟務農者優以食務商者優以衣如營口瀋陽通江口等處均使人常駐以通物價訊息常以人棄我取獲厚利地至三千响人口二百餘分住懷奉即今梨樹二縣其堂弟德軒入奉化縣學名重一時九世同居世以比之宋朝張公藝云

丁述銘字麟閣自幼劬於學弱冠設帳里中屢試不售乃捐衍聖公府齋奏職銜旋理家務未數年家道小康公性直敢言遇事一秉大公鄉里有鼠雀爭得君一言而糾紛立解且不避嫌疑不畏權勢因之求者日衆而公不以繁雜爲苦惱也對於地

方公益慈善風化各事尤具熱心如建修文廟創辦學堂以及表彰本鄉節烈賢孝無不贊助公之名重一鄉也宜哉民國七年卒時七十有九

畢成魁字煥閣性樸誠持家有法對於地方善事義舉無不首先贊助鄉人尊之爲長者晚年家析居至今各門獨守忠厚家風云餘見舊志慈善門

趙福字景五性豪爽始業農繼營商鄉里有爭執公出一言無不解對於地方善舉熱均心贊助公識字無幾人有以訴訟呈詞質之者靜聽一過即指爲某句宜刪某處宜改精於案牘者無不服公之才識焉光緒中葉公在洮南置荒數十方宣統初

子有年被選爲府議會議長錚錚有聲公卒於洮南時年七十有二

曲致誠字智三幼讀屢試不售爰援例貢入國學復納粟得府經歷職銜公對於人情物理洞悉精微尤善言語每當大庭廣衆以躁釋矜平之態度發爲愜心鑿理之言談令人聽之津津有味有慕之者即極力摹仿終不逮也歷任邑侯咸禮重之里人曾以珂里望重匾額懸於門公對之無愧色矣子列侯署天鎮縣知事姪樹侯武庠生卒年五十有五

趙晉勳字芾棠聲遠先生之季子也幼讀書弱冠理家務嗣營商積貲鉅萬析居後業逾昌大交遊皆名流如世學士仁甫袁

參議潔珊均稱莫逆自奉儉約而對戚友緩急千金不吝青年  
騫才有窘於學費者輒助以金底於成士林稱之每至冬曰  
公主嶺驛設粥鍋歲施金以濟不告其名辛未歲西北各區大  
祲賑糧五百石有司欲援例請褒辭弗許卅字會築校舍出千  
金以襄其成晚年遵先訓撥腴田三千畝其收入歸光欲堂名  
下專備省墓贍族恤貧捨藥等費工草書不拘古法著有示兒  
帖省言篇晚晴樓詩稿藏於家卒年五十有三  
杜輝字輝亞幼讀嗣迫於生計輟學歸農艱苦備嘗仍不裕又  
貸貲爲商設肆於塔子城與蒙古相交易卒以輕財重義損失  
甚鉅乃返里家徒四壁晏如也久之家銷裕遣子求學均底於

成民國十四年春奉天省公署招集鄉老會議里人舉君以應  
咸稱爲得人卒年六十有六

李龍字鳳祥幼好學家貧中輟弱冠務農深耕易耨艱苦備嘗  
十數年家小康性仁慈樂善好施對於排難解紛不待招自樂  
就也光緒三十四年辦鄉團鄰里賴以安持家嚴以耕讀教子  
孫均有正業卒年七十有一

民國十一年奉天省公署招集鄉老會議茲將姓氏列  
左

周興岐

有傳

畢文林

有傳

張寶仁

張相臣

民國十四年奉天省公署招集鄉老會議茲將姓氏

列左

杜輝

有傳

劉海春

王樹千

于子彬

壽民

李興二區東大嶺人年八十有六生七子五世同居性慈善設

立道德會及義務學校日講家庭教育被感化者甚衆

劉德二區李家油房屯人自幼以農爲業家道小康年九十

周春仁年九十有七身體康彊眞壽者相也

孫九成縣城人業鐵工勤儉自勵赤手成家至老不倦年八十

有二

張華戩子街人業農身體強健年八十有六

孫作良戩子街人業農體健年九十有五

盧迺斌秦家屯人自幼讀書事親孝處人和藹而操守廉介不可干以私村人公舉爲鄉黨模範云年八十有一

段子芳小土城子人幼讀書事親孝庚子之亂俄人到村肆擾直與交涉鄰里賴以安遇有里鄙爭執一言即解對於道路橋梁凶年饑饉均出資糧以修築賑濟焉戚友有不能婚葬或疾病不能醫藥族中無力求學者慨行資助鄉里異口同聲曰此眞善人也年七十有八

### 孝子

傅品一東大嶺人母陳氏得瘋疾醫藥罔效人有欺之者若得



人肉食之立愈品一信之暗割身肉熟以奉母其母不知也食之果愈人皆謂至孝所感焉

趙鍾甲字貫庭迺唐先生之冢子也國學生創辦秦屯鎮兩等小學校成績爲一邑冠嗣充勸學所所長未幾返里理家務母陳氏患瘵數年克盡子職後染疾愈發間半迺唐先生卒疾又發及殯期前二日竟哀毀以歿常熟孫吏部師鄭曾銘其墓曰誠孝子也亦可謂死得其所矣卒年五十

### 方伎

高鶴齡原籍樂亭縣在縣城經營木商歷數世矣性贛直遇異人授以符籙專治鬼祟不受報酬因是名大噪嗣因匪人註誤

幾罹於法經全城商戶具保始獲免爰焚書絕口不言符籙事  
改習外科以醫宗金鑑爲本自備精貴藥品用之者不索資凡  
經手者無不愈惟矜貴驕慣不受手術者縱予以重金不治也  
年八十無疾而卒

宮文修字會友榆樹梁子人性誠實耿直幼讀書嗣研究鐵木  
刀鎗各損傷有心得無論貧富遠近晝夜風雨請即往至即調  
藥劑施手術無不愈者從未索人分文嘗語人曰醫仁術也力  
能施藥救人固善即不能亦不可強索鉅資遇有家道小康  
者尙能輕財重命若遇貧苦之家不幸又遭危急之傷不得鉅  
資竟坐視其死而不救傷天害理莫此爲甚也觀此足知君之

存心矣年八十有二無疾而卒

### 烈女

### 賢婦

孔公相賓之妻梁氏餘三先生之姪女參議憲熙之母也性端靜年十七于歸躬女紅操井臼以上事邁姑姑有姪女無依養於家及笄擇婚嫁之姑卒朝夕上食如生諸兒自塾中歸令展拜以爲常夫卒令次子憲熙就懷德梁氏塾讀遂入懷德籍長子營商季子務農居昌圖原籍各有專業自憲熙以優貢起家板輿迎養從不言刑政事憲熙任直隸推事時每教以平恕二字任吉林高等審判廳恒以獄囚爲念助吉林獄費六白金任

嘉善知事患蝗民糾衆求蠲租憲熙惡其衆脅斥之氏知之終日不食爰急請於上蠲賦額十分之四民德之當道上其行誼由部頒發慈孝楊麻及惠及赭衣各匾額以旌賢孝卒年七十有七

### 節婦

文童董璽之妻張氏年十八于歸次年其夫赴省應試歿於旅次氏聞訃即矢志守節以夫弟之子昌爲己子艱苦教養至於成立計守節三十年請旌准予建坊

李富田之妻楊氏年二十一于歸逾百日夫病故氏矢志守柏舟之節以弟之子貴平爲己子析居氏有薄田五十畝至晚

年家道小康氏之力也計守節四十年

王協中之妻房氏年十九于歸克盡婦道逾數年夫病故遺子一女二俱在孩提氏誓志守節撫養子女上無翁姑中鮮兄弟獨支門戶艱苦備嘗數年將夫生前典出之地如數贖回又數年復置地千餘畝可謂能矣嗣子被匪人掠贖氏處之坦然心憂之從未形諸言色偵知匪所在即單騎往直與匪人大開談論卒出銀百餘兩携子以歸子由中學畢業充陸軍步兵少校皆氏之教也年六十守節三十五年未旌

賈仁之妻郝氏年十七于歸至二十五夫病歿生遺腹子連惠當斯時也上有邁翁下有乳子家徒四壁困苦備嘗屢次勸誘

改適氏抵死守節紡織自給卒能養親教子家道小康今且同居五世焉計守節年六十年卒時八十有五

烈婦

黃維亮之妻王氏年十九于歸伉儷甚篤于歸三年夫病歿氏哀痛不欲生家人守之嚴爰佯示不哀狀及五七日仰藥以殉鄉人異口同聲曰此真烈婦也未旌

續修懷德縣志第十一卷

藝文

書目

序

記

詩

附錄續編卷之十一

藝文

書目

家

詩

...

...

...

...

...



續修懷德縣志第十一卷

藝文

書目

鹿革齋詩文集

榮文達著

塤篋集

榮文昭著

雪石齋詩集

榮文祚著

懷德鄉土志

趙鑑清榮文昭孫雲章分著

耕禮堂家訓

趙鑑清著

耕禮堂家乘

趙晉臣著

師竹齋吟草

趙晉臣著

師竹齋叢著

懷德禮俗表

晚晴樓吟稿

趙晉臣著

孫嶽金著

趙晉勳著

自注附錄卷十一卷

序

耕禮堂家訓序

世榮

耕禮堂家訓一編吾友趙君迺唐之尊翁聲遠先生生平教育家訓子之所爲作也先生世居吾奉懷德縣隱居不仕素以德望尊一鄉榮生也晚弱冠前後足跡不出里巷於吾鄉顯達君子伏處碩人多不聞知遊庠後館於省中適吾奉先達曾與九先生主講席榮與迺唐同遊其門時於衆中窺見迺唐課藝寫作迺出塵表心竊異之知非如榮之幼而失教東塗西抹者比乙未同上春官乃訂交於京邸榮旋以菲材入詞垣而迺唐竟以入選而被擯其時聯床共話相對孤燈殊黯然也迺唐亦善自

排遣相與講道談藝不輟迺唐素封而儉約乃逾寒士時叙家常始知迺唐非惟自勵之刻亦由先生督責之嚴維桑與梓必恭敬止迺唐有焉然此時但知迺唐之足以克承堂構而於先生之蘊蓄宏深言坊行表篤實光輝之誼尙未能仰窺其萬一也後十餘年迺唐以孝廉納衆爲郎同官京師結鄰而處朝夕往來情誼尤篤前清宣統三年爲先生古稀壽辰迺唐出先生行述囑爲壽序乃知先生自少至老立身行已涉世持家無一不以聖賢相砥礪民國二年先生以疾卒於里第迺唐昆季乃馳書囑榮題先生木主榮乃躬臨弔唁迺唐復於苦次出生斯編泣而言曰先君以是編課不肖兄弟不肖兄弟大懼弗

克負荷以貽先君羞今欲刊印以藏於家以爲世世子孫之法君其以爲如何榮薰沐受而讀之乃肅然正襟而言曰此非今人之言乃古人之言也乃古人省身克己型家訓俗合人已納諸軌物之言也昔桂林陳文恭公輯古今嘉言懿行爲五種遺規一書二百年來海內翕然向風近年興立學校至列爲修身專本蓋以其言如布帛粟菽淺之雖婦人孺子固須臾而不可離精之即名公鉅卿亦終身而不能盡今先生斯編由積德讀書至置義田贍族凡三十八篇言言金石字字龜鑑方之古人何多讓焉孟子云道在邇而求諸遠事在易而求諸難人人親其親長其長而天下平是編言近旨遠守約施博善言善道於

是乎在然則持此一編雖以之治國可也平天下亦可也豈徒家訓云乎哉榮自束髮讀書每以前言爲可信意凡束身庠序者當無不以聖賢爲依歸矣乃自入世以來見有所謂文人學士者焉文采非不炳然也至課以修省則多疏見有所謂大人先生者焉聲勢非不赫然也至責以勛名則不逮甚或蕩軼閑檢破抉藩籬舉凡詩書道德之舊皆欲掃除而弁髦之以快其狙詐恣睢之計卒之害於而家凶於而國已之身亦莫保焉遂至釀成今日泯泯棼棼不可收拾之世局蓋人心之偷也非一日矣誠得先生是編而補救之將人人奉爲圭臬家家視若準繩吾知孝子順孫由此生仁人君子由此成世道之興也可立

而俟之耳詩云雖無老成人尙有典型其此之謂歟然則斯編之出豈不足爲振發矇聵之鐘鼓掃蕩陰霾之日月乎所願迺唐昆季其勿以爲私家纂述無與世道之隆污而不廣爲流傳焉此則區區之忱之所深望也夫

雪石齋詩集序

孫 雄

懷德榮君祉字可民先生之季弟也先生爲遼左耆儒門下士傳其衣鉢多騰達負時望有游至開府秉節鉞者士論以爲榮而先生落拓不偶僅登同治癸酉拔萃科至光緒癸巳中順天鄉試副榜與予爲同年生祉字幼時受業於先生爲詩文悉經指授有法度可觀光緒甲午捷秋闈出楊子青前輩鍾義之門

厥後獻藝南宮屢薦不售服官戶部錚錚有聲辛亥國變隱居  
舊京以詩文自遣與予交契垂四十年志同道合嚶鳴無間且  
有昆季之好予長於祉字者五年祉字醇篤謙謹竭盡兄事之  
禮比歲都會南遷干戈俶擾予蟄伏燕京繫匏不食實賴祉字  
時時存問分金周急焉祉字素豪於飲己巳秋初驟得半身不  
遂之疾予往視之祉字以新刊陳石閭集及遼東三家合集見  
贈石閭先生與李鐵君戴遂堂以詩鳴乾嘉間世稱遼東三老  
沈歸愚稱其甘老布衣耻言名利鐵君序其詩謂如頌鐘雅瑟  
淪淪乎大雅之音三家合集者可民先生鹿苹齋詩文集及房  
仲南隅夢草堂詩草新民劉東閣看雲聽濤館詩也子勤前輩



弁言謂三君子英儒瞻聞所謂琢玉工射鵰手實爲遼東文獻之巨擘二書寫刻俱精均由祉字節食縮衣而成其關心鄉邦文獻表彰耆耆著述之盛心至可佩企祉字又命其長公子蘿裳取書室中所藏手寫雪石齋詩集一冊見示且鄭重而言曰予平生所爲詩多不存稿蓋不敢自信也此冊所錄僅一百三十餘首設不幸溘先朝露即此拳石勺水略見平生志趣大略而已子其爲我序之予唯唯受命庚午春間予亦爲病魔所困未遑握管且私意祉字清門懿德宜享大年未疾牽纏不足爲患弁言之作勿庸汲汲也不意庚午仲夏之月旬有三日祉字已長辭人世矣蘿裳世兄函來言病中屢屢詢及詩稿盼弁言

之速成死別吞聲負我良友痛可言耶可民先生與祉字兩家之詩予於辛亥以前已選入四朝詩史甲集畢節葛霞仙戶部撰可民先生墓誌述及茲事稱其昆季濟美輝映後先祉字詩筆俊邁而含意沉鬱古近體詩有學步陳石閭先生遺集者且與可民先生鹿苹齋詩則壘麓合響沆瀣流甘尤如豐城雙劍可合而不可分然在心爲志發言爲詩詩之不同如其面焉固不必就聲音形貌刻舟以求劍也冊中觀奕六首落葉四首均和我之作落葉集別刊行世海內亦多有傳誦者今蘿裳將以此冊付刊附於遼東三家合集之後因詳述顛末以爲序且抒予悲詞費之譏明知不免九京可作聊償夙諾而已抑予重有

感焉吉林成竹山太守多祿懷德趙迺唐禮部晉臣皆予與社  
字之詩友也二君均卒於戊辰冬間竹山有澹堪集迺唐師竹  
齋集若與雪石齋詩合刻可稱遼東後三家集或改稱遼東六  
家合集蓋六人年齒雖有長幼而行輩相同似無先後之可言  
澹堪集生前已刊行迺唐社字兩家遺詩尙遲付梓迺唐詩稿  
已由其叔子友松編成若干卷友松名鍾喬受業予門其能傳  
家學與蘿裳同蘿裳與友松倘以予言爲然予將合三家之詩  
爲之點定他日流傳藝苑與清初六家新城秀水諸公媲美未  
始非遼東文獻之佳話也爰附記之

師竹齋吟草序

孫嶽金

嘗思文章氣息原於心性其文理艱深者其心思必苦其文情  
樸茂者其性質必純以此論人以此衡文百不失一惟詩亦然  
李杜詩詞光燄萬丈其渾括其超邁各有一字一句不可假借  
處亦其心性異也吾迺唐趙公天資深潛純粹嫻雅人也其爲  
文沉浸醲郁纏綿慰貼亦肖其爲人弱冠入童子軍一戰而勝  
補博士弟子員嗣登賢書主講榆城書院文名藉甚然終未嘗  
以詩見辛亥國變公以禮部郎解組歸來值國步之艱難覩時  
事之遷變凡龍蛇大陸風雨狂瀾天南地北之旱乾水溢勞人  
思婦之怨望咨嗟偶有所觸輒寄於詩如哀戰傷亂憫農朔風  
諸作憂深慮遠何等悱惻或名山勝水瑤草琪花因物起興觸

境移情如惜花惜春傷柳釣歌諸作低徊往復何等寄託至尙  
論一二畸士偉人若謁楊椒山祠若謁張桓侯廟若易水弔荆  
卿若博浪沙懷古以蒼堅老辣之筆寫沉着痛快之思誅奸雄  
於既死發潛德之幽光雖古之作者何以加茲他若與孫吏部  
師鄭公往來贈答步韻而不爲韻所拘限題而不爲題所縛以  
及皇極門監禮南郊陪祀諸什夏玉敲金銖兩悉稱宜師鄭公  
之稱贊不置也披閱數四雖詭怪離奇不拘一格總之不離乎  
纏綿慰貼者近是讀先生詩如見其人矣此集自甲子以前經  
孫師鄭公釐定爲甲集己巳冬以次油印將以付梓公之四公  
子友松以全稿見贈復來函諄諄以數言爲序余素不工詩惟

與先生里居密邇同學數年而知其平生者既詳且悉則亦義有不得而辭者矣

師竹齋叢著序

楊書升

迺唐禮部余之京曹舊友也朝夕過從杯酒言歡得於麗澤觀摩獲益良多矣其文章經濟冠絕古今而復謙抑爲懷不事表暴鼎革後即息影園田讀書自娛閒則吟詠尤工翰墨望之斌媚多姿如初寫黃庭恰到好處徜徉於山水之間課子教孫以是終身焉耳眞神仙中人不啻也余於庚午春館於禮部介弟芾棠公之家塾藉授課以避喧囂且藏拙也是時禮部已捐館年餘矣一日禮部之世兄友松循循雅飭溫溫恭謹頗有乃父

之風談次間言語詳審有倫有脊必則古先又復退然若不勝衣竟以父執事余余愧弗當然一望而知爲佳子弟也不勝欽羨之至當此歐風東漸子弟囂張之習舉國若狂入事父兄出事長上闕然不講求如龐公榻拜者間不一見若友松者誠空谷足音也既而來函附以禮部師竹齋吟草兼孫吏部師鄭同年序言孫進士西山契友跋語洋洋灑灑千餘言禮部一生學行道德之蘊蓄胥於是畢宣矣窺鳳一羽即知五色之備詎得云詩爲小技緒餘乎哉班馬文章李杜詞藻固獨有千古然後之視今猶今之視昔千載而後焉知禮部之詩不輝映後先更駕而上之乎乃忽於中秋節前日友松又來函附以禮部平日

一切雜著哀集一編顏曰叢著付印成帙並孫吏部同年序文且囑余賜以一言余雖不文誼不容辭因即是著三復讀之見其言言真摯語語精純有德有言布帛粟菽之文出於錦心繡口胥本胸臆傾瀉而出者也以是知三千三百無一事而仁不在出天游衍無一處而天不臨理無精粗言無高下造道之人淺語皆深友松有見於此用是哀集其識見有高於人萬萬者矣善乎世學士仁甫同年有言余所編輯國文非載道之言不載文以載道文即道也否則無用之糟粕耳友松能讀父書手澤常親而又哀集遺言是即載道之文也以爲如親罄欵用檢行爲願即是推而廣之書萬本以傳誦使家有拱璧則教思之



無窮也且李二曲云論語二十篇即孔子之語錄也禮部叢著亦可以作是觀也繹友松跋語中韓柳之外無文章李杜之外無篇什數語云云識見之最卓者也設必韓柳李杜之外人人可以擱筆即如理學之傳秦漢以下漢有廣川隋不必有河汾唐不必有昌黎宋即不必有濂洛關閩之儒京也有是理乎哉吾人不自菲薄自不可以限量友松以是存心希賢希聖志伊學顏其蘊蓄深遠矣有是佳子弟肯構肯穫不墜箕裘瓜瓞綿綿誠不可以企及友松勉乎哉友松勉乎哉因以是言弁於首

記

張節婦碑

光緒八年邑庠生朱錫九等習知董璽之妻張氏執節全貞事親撫子既垂壺範宜沐邦光不忍湮沒爰聯名具稟請旌光緒九年八月十六日蒙縣尊張查確取具鄰佑保結錄其實緣董張氏自道光十八年于歸次年其夫董璽赴省應試病故聞訃張氏即矢志守節以夫弟董琨之子董昌爲己子時方八歲仰事俯育艱苦不渝迄今撫子成立家道日盛氏年六十一歲計守節逾三十年例應請旌以維風化具詳達府十年三月十九日蒙昌圖府尊趙具詳各憲二十九日蒙軍督憲崇撫尹憲松具奏咨由禮部彙題奏請旌表奉旨董張氏准具旌表欽此由禮部行文奉省到縣董昌遵禮勒碑迄今節壽又逾二年溯

將從前邑衿稟請縣府各憲詳請具奏一切事實垂諸永久略誌如左光緒十二年六月二十六日立

### 蒙匪紀略

民國五年秋七月蒙古干木加卜自號大將軍率白將軍與蒙匪四百餘人潛行南犯到處招納亡命至三千餘人直趨南滿路線郭家店驛奉天礮隊擊之適一彈直貫匪礮之口乃懾服請率隊出境當斯時也駐中央騎兵二旅三團團長鄂瓊瑛探知蒙匪有礮爰選敢死隊百名懸重賞奪匪礮爲奇兵又派隊分爲中路兩翼繼進邀擊爲正兵八月十四日夜將半接電令保護出境該團爰作壁上觀矣蒙匪所經之處大肆焚掠盡成

焦土顛連無告流離失所古所謂一路哭者今竟日覩焉嗣經縣調查損失統計百餘萬元死者十數人嗚呼慘矣

## 二區匪劫記

當九一八事變發生之際有盜首黑虎者率千餘人攻破黑林鎮圍逼懷德城其勢浩蕩有不可剿滅之險象叢分局長爰集各村自衛團並聯絡長春民團共千人直西追擊之匪乃竄去未幾又有盜首華山者率百餘人佔據西大窪村劉思君院內大嶺村民團與匪接仗卒以衆寡不敵而退叢分局長帶警隊商團繼行猛擊斃匪數名傷者甚多而警士聶福生團丁朱城奮不顧身被流彈陣亡焉嗟乎大嶺迤西素爲馬賊盤踞之區

肆擾之境况當徧地皆匪之時若公主嶺若黑林鎮若懷德城均受莫大之損失獨大嶺鎮安然無恙豈非不幸中之大幸哉

### 黑林鎮匪劫始末記

民國二十年十月十九日突然匪首綽號遠來者懷德警察礮

隊劉隊長也率匪千餘人帶有迫擊礮兩尊射彈機若干

均有警局武器亦係

民間膏血直搗黑林鎮街如入無人之境警甲抵抗無力均避入萬發

泉利德魁兩號院內竭力固守勢甚岌岌其餘商民數百家同

陷匪阱最可慘者該匪殘忍兇獷至斯已極藉放火以示威以

殺人爲行樂擄架無分貧富拷掠遑恤婦孺處此萬分危急但

求保全性命奚顧其他當由商民兩界敦請黑林鎮農會長王

俊臣出爲餌匪之計以解倒懸密求救援之兵以期殲滅該會長爰隨同衆人貿然前往行至中途竟被流彈以歿情切救人智昧保身嗚呼惜哉顧性素慷慨置死生於度外維桑與梓可告無愧其義勇亦有足多者當斯時也匪知外乏援兵毫無去志擬分股擾亂附近村屯適有懷德搜查隊長吳慶霖者帶隊扼守卡倫河口聞耗即欲赴援以兵力單薄會同三道崗尹家屯兩村自衛團約集四百餘人於二十二日夜由西街進攻卒以寡不敵衆被匪擊退該隊長以懷境無兵可調即單騎逕赴公主嶺求救日本軍事當局於二十五日辰刻派來飛機兩架向地投擲炸彈霹靂一聲匪徒喪膽棄馬拋鎗爭先逃命吳隊

長先將警團布置街外趁勢夾擊傷匪甚衆逃出羣匪向北奔竄飛機復跟踪追擊三十餘里斃匪一百餘名該鎮始恢復焉是役也日軍救援深恩固宜永示弗諼而吳隊長擊剿出力亦應昭茲來許也故記之

### 毛家城匪劫記

毛家城在八區與長春長嶺雙山梨樹相毘連素爲賊出沒之藪而莫甚於九一八事變之際當斯時也中國之隊完全撤退日本當局未暇顧及地方紊亂人心動搖當地貧民及無賴流氓乘機而起招徠各處土匪千百成羣焚殺姦掠古今罕覩乃迫擊礮中隊譁變以該區爲根據地藉礮火之威以肆其獷悍

殘忍之性老弱轉溝壑壯者逃四方其幸有子遺者仰賴天氣  
和暖水不結冰耳匪徒如毛未遭撻伐而王永清又來毛家城  
鎮極力招降設司令部委團營長不但本境之匪如蠅遂臭即  
他縣之匪亦如蟻附羶果能束以軍伍率以敵愾亦吾民不幸  
中之幸孰意爲官者無俸給爲兵乏餉需仍散住各村肆其饕  
餐民有何辜遭斯慘劫如是者二月有餘縣署始派員來鎮令  
其即日開拔去後民間始有生機之望然已十室十空矣余幼  
時聞父老談馬傻子之亂每疑爲言之太過今竟目觀之故叙  
其梗概以告後之人庶不致如余有幼時之疑也噫

詩



年來奔走道途吟詠久廢俗塵五斗撲面紛來每觸抽繭  
之思輒苦翻蓮之拙今歲夏五家居多暇讀史之餘覺胸  
臆間格格作吐因就目前之景並鄉閭習見之事點綴書  
之共得雜詩三十六首言之不文固不足爲外人道也嗟  
乎飛鴻印雪孰識來因宵蟀吟風何非天籟慨登山兮無  
屐幸漉酒之有巾不知秋思在誰家敢云寄興唱到竹枝  
聲咽處未免傷情爰書短札以質同人己亥天中節後八  
日看雲主人自記

烟和日暖暮春天節序怱怱又一年何處泥人風味好酒帘高  
掛夕陽邊

杏花开罷李花開  
芍圃薇牆巧樣栽  
二十四番春信杳  
園丁逋負又催來

拂堤垂柳挂征驂  
春色如斯我不堪  
同是一般惆悵恨  
惜無人賦望江南

鎮日春寒永閉門  
韶光消盡幾黃昏  
栽花插柳無多事  
一卷詩編舊手痕

春風幾度燕歸巢  
掠水銜泥一剪拋  
百姓蝸居王謝屋  
可能相對說魂消

經句未到碧山阿  
花信番風轉瞬過  
不是尋芳心意懶  
一春陰雨較晴多

敲得金針作釣鈎游魚不餌水空流風波可耐心難耐世事多  
應緩處求

郊甸初生苦菜芽兩三葉茁漸成花看他十五盈盈女手把筠  
籠當採茶

鄰翁告我昨樵蘇換得盈盈酒一壺囊底尙餘三百片邀君歡  
飲莫愁沽

鯢浪鯨波國步難九州新政起民團蒼生自古懷忠憤參伍誰  
爲曉事官

比戶喧傳閱武期暫拋耒耜走旌旗圖開霸棘眞兒戲今古人  
情託便宜

迢遙一線接東隅  
軌鐵輪金挾火馳  
莫怪虞公甘假道  
百千萬里不須臾

毀徧蝸居又割田  
卻肩泥土換金錢  
隋珠彈雀渾閒事  
失不償貪信可憐

千金值產萬金鄰  
底甚分疆動怒嗔  
極目長城衰草外  
秦皇漢武是何人

何事昌黎闢異端  
教壇門戶至今寬  
麥孟撒罷先魂餒  
從此黃泉乞食難

明朝又記佛生辰  
一瓣心香祝萬春  
塵世未教逗粧裏  
尋芳魍魅敢窺人

錦衣驄馬少年行慣向人間問不平一笑酒家樓上去寶刀新  
脫贈交情

雲鬢新梳墜馬嬌漢宮梅額楚宮腰千秋不入陳王賦龍蜿鴻  
翩總寂寥

碌碌風塵逐馬蹄未能免俗也招携伊誰冷暖誰恩怨轉瞬飛  
鴻印雪泥

最無憑準是天心莫怪人心反覆同昨日微晴今日雨明朝噓  
拂又東風

花驄油壁間笙歌邨近朱陳只隔河填慣橋梁知送喜連朝烏  
鵲鬧聲多

嫁女期臨百事忙阿姑拋剪姊縫裳不須苦說宵靡旦三日還  
羸醉一場

姊搖柔櫓妹撐篙蓮葉蘂中泛小舸湖面水原平似掌怪他風  
急起波濤

巢栖老袖久忘形作畫吟詩寄性靈畫自摹神詩寫意水光山  
色一床青

一頂烏紗製錦圖封侯無相惱頭顱天寒日暮前途遠回首春  
風叫鷓鴣

郡邑觀風學使臨兩行淡墨報泥金臧倉果解通戎御今日王  
良獲十禽

蜂起狐鳴晝日霾  
萑苻風動喚狼豺  
北山羅網南山雀  
爭把奇勳策病骸

藤花門巷讀書聲  
矮屋紗窗透紙明  
一種古人摹得似  
芸編帶結鄭康成

癩晴天氣麥風涼  
城市人歸菜把香  
滿境綠雲歸去晚  
烏啼春樹正斜陽

宛轉歌詞白雪輕  
手調絃索度新聲  
樽前唱罷吳孃曲  
愧殺鄰兒浪得名

連村磨石急鴉鋤  
紫笠青簑雨過初  
但得草萊無碍稼  
且饒新綠莫删除

桑麻情話總依依野鳥鄰翁兩忘機坐久不知磚影盡桃花片  
片向人飛

灌園老圃自風流盈把蕪菁帶雨收問訊何年助烟火田桑八  
百武鄉侯

踏遍青山路幾層林泉深處闢鱗塍漁翁覓得桃源宿不逐扁  
舟下武陵

朝朝園課鎖柴關引水澆花意不閒摘出蕊宮千萬朶始知春  
色徧人間

五夜蘭膏繼晷焚探奇索秘攷遺文何當樽酒重論會惆悵江  
東日暮雲



丁巳和秋詞之四

紛紛本葉下秋聲一枕離披夢不成惱殺昨宵風雨惡最無聊  
賴最關情

衰柳蕭疎落照遲御溝流水颺塵絲年來春恨知多少訴與西  
風恐未知

瑟瑟秋風太液波曲欄低亞晚涼多昭陽一片斜曛影幾點寒  
鴉背上過

斗轉參橫夜未闌沉沉明月掛檐端可憐大地山河影只向蟾  
宮鏡裏看

詠菊

一種丰姿迥出塵雪霜堆裏見精神只因趨熱都無骨不向東  
風展笑顰

三徑叢荒繞碧苔梧桐飄盡曉霜來不爭顏色爭風骨的是秋  
風第一開

重陽一別又經秋香滿籬根花滿頭記取片言聊贈汝不風流  
處轉風流

不將脂粉逗鉛華冠帔裝成自一家漫道詩人多浪癖故園今  
日已無花

霜寒風緊報秋深一帶殘叢滿徑陰淡極也教花絢彩本來人  
世重黃金

曉霜籬外射朝暎點點黃金撒滿門風雨不來秋正暖惜芳畢  
竟是天恩

雁鴻影裏霜先到蟋蟀聲中酒乍沽一帶短籬雙白板等閒描  
出賞花圖

不畏霜風不怕寒亭亭仙骨獨闌珊秋來總有花開日未許旁  
人冷眼看

年年生意寄籬邊逸韻幽香每自憐捧出一枝清豔骨方知富  
貴不神仙

羣芳譜裏舊知名秋士誰堪問落英今歲重陽花事好更無風  
雨滿江城

莫將顏色分濃淡丰韻都從靜裏生  
試倚闌干侵曉坐滿頭風露不勝情

幾回荒徑刷新泥瘦骨亭亭豔影低  
我比淵明更癡絕曉風明月畫欄西

溥溥涼露又今朝瞥眼新枝破碧寥  
一縷清芬侵入髓縱絕非代也魂銷

秋老清霜日漸嚴輕紅淺紫尙纖纖  
迎窗祇恐香痕散滿院西風不下簾

題友人山水畫冊

亞字欄干蠟粉牆柴門臨水芰荷香  
最堪惆悵無人處一片蟬

聲送夕陽

十里清溪折碧流  
荻蘆風緊動新秋  
江鄉自是飛塵斷  
指點浮波一葉舟

遠山一角影模糊  
水色天光淡欲無  
爲愛錢塘風景好  
故留殘墨點西湖

石徑縈紆迎碧苔  
亭窗四面接雲開  
不須更覓新詩句  
携得倪迂畫本來

乙巳冬兩鄰和議告成

日俄自甲辰宣戰年餘始罷

大府檄所部郡縣興設

學堂蓋前此執政以停科舉入告緣帖括習非所用塞彼而就此求通材崇實用倡新政之首也邑侯廖公招

集紳耆會議公署途次偶成

凍雲拖雪朔風號壓路寒威襲短袍地枕幽營開北極天臨星  
昂接南交十年烽火籌邊急百代衣冠變制勞從此掄才開廣  
厦他時應不負鈞陶

鞞鼓烽烟盡日霾旋聞北杏舊盟開衝濤鐵艦橫戈入歃血珠  
盤浴劍迴化後蟲沙歸大劫殃殘魚火當凶災諸君莫歎亡羊  
失補得牢棲是異才

藩垣題壁

蜿蜒長白接天都豐鎬曾傳啓駿圖三萬里餘新粉本四千年  
外大蘆廬渡遼猶想唐舟壯拓塞徒傷漢郡蕪篋笠一身驚歲

晚可堪滿地極江湖

送劉子才茂才

有序

辛丑十月子才茂才解館南旋

詢據孫君寄蘇云子才復州人時館協力堂家

尺素告違

頗有江文通黯然銷魂之感維時涼飈穿屋寥聲落簷  
短几燈青長階月白柳有情兮惜別花無語兮緘愁渺  
渺予懷茫茫歧路憶自客春銜恤後捐棄筆硯迄今閱  
月二十有一茲以風流雲散觸緒牽情敬援祥琴禮例  
賦詩四章聊以贈別嗟乎一聲羌笛鴉邨返照之天半  
壁金甌鯨浪橫流之日既感時而撫事亦對酒以當歌  
披是詩者微特梅開兩摘鶴侶心殷行看菊就重來鴻

泥爪印矣

乾坤莽莽黯風塵飄泊天涯寄客身儘說多情推我輩可堪知  
已少斯人從君卻正終思蜀歸里淵明慣避秦此去家山梅訊  
好一枝應贈故園春

漫道戈船控上游邊防營壘孰防秋鷓鴣聲兆天南運騏驎途  
傷水北流塵夢十年徐孺榻鄉心千里仲宣樓知交自古渾難  
別五字河梁起暮愁

塵沙撲面曉風寒雲海遙空望渺漫千里迂威雙客屐九州落  
拓一儒冠名微山麓藏身易世亂文章報國難剩有龍泉孤鋏  
在莫輕低首向人彈



華夷混合古今同蠻角蛟眉戰鬪中一劫楸枰翻世局百年鉛  
槩誤英雄秋風苜蓿肥征馬夜月菰蒲翥塞鴻樽酒盛衰成敗  
裏爲君高唱大江東

寄贈下宿源茂才兼柬趙迺唐禮部芾棠刺史

蕭齋寂寂火雲流槐影參差轉玉鈎萬里河山秦失鹿十年災  
疹魯無鳩時有疫症懷人得句兼酬答宿源來書附詩甚夥課子繙經當校讐指日西

溪申舊約秫田端令老糟邱

故園東望莽重山尺素遙傳未是艱亂世人才多縱酒少年朋

齒半頽顏王通衍教河汾老宿源連年設帳周黨全名廣武還迺唐自國變後便隱居不出矣檢

點白雲篇數帙詩書常伴一身閒

紫帽素驄憶上都清歌一曲倒金壺搜腸覓句吟懷健指掌談  
兵醉膽麤三徑朋簪明孝若六朝詞筆庾肩吾乾坤俛仰成今  
昔慚愧高陽舊酒徒

毒龍妖鳥競縱橫寰海烟塵黯不清鶉首剪餘天竟醉鼇身轉  
後地同傾黃梁久熟塵中夢白髮偏饒世外情幾度華嚴經佛  
劫相期携手話無生

詩成倥偬未寄忽忽兩月而秋氣深矣再賦二章以代投

札

又是西風蓺菊天楓林霜信雁初傳晴烘睡榻當書幌醉典朝  
衫換酒錢漫指嶺雲間出岫有如江水不歸田藕花汀畔行人

路倚杖思君倍惘然

搔首重登諫議臺蒼茫天地實悠哉苦飢方朔今無狀癖飲劉  
伶舊不才文字敢言千古事烽烟併入九秋哀何緣一掬滄溟  
水淨洗塵區朗鑑開

謹按看雲主人榮戶部祉宇之別號也綜一生所作詩  
有七八百首而采入雪石齋詩集者只一百三十餘首  
如前錄七絕四十首均不在集內則遺佚者多矣惜哉  
茲將有關於本省本縣者擇要采入遵志例也

賦得花落知多少

得花字

孫嶽東

多少飄凌感關心最是花知從風雨後頻起夢魂嗟影定瑤臺

減陰難畫檻遮縱留餘豔在却惜亂紅賸

賦得山深四月始聞鶯

得深字

自爲聽鶯計山居始悔深如何夢秀月纔送管絃音候未分秧  
屆音偏疊嶂沉谷風來習習夏木囀陰陰

賦得竹深留客住

得留字

未到森森竹何堪結勝遊客來曾不速深處竟常留密布千竿  
蔭涼生一味秋坐邀佳士入徑愛綠雲稠

賦得久旱逢甘雨

得甘字

久負雲霓望何能大旱堪正逢人盼澤倏慶雨流甘計日常愆  
十爲霖却沛三喜從無意得味恰受和參

賦得大雨時行

得時字

不作廉纖態滂沱雨應時大真同聖化行可比王師濤訝銀河  
瀉檐驚瀑布垂繁聲催暑退飛浪挾風馳

賦得春入鳥能言

得言字

鳥未逢春入能言似忘言喜音非欲闕好語不輕喧直以良時  
得難將巧舌捫聲傳楊柳陌聽到杏花村

賦得烟花三月下揚州

得花字

一作揚州客春來景倍嘉六朝開畫稿三月足烟花雲水孤帆  
路風光十里霞雨濛紅杏賦城鎖綠楊賭

賦得忽見陌頭楊柳色

得頭字

無數垂楊柳蒼茫指陌頭幾時曾著色今日忽登樓細縷千絲  
掛長堤一望收魂銷前夜雨眉鎖隔年愁

賦得歲寒知松柏

得知字

歲未嚴寒到奇才總莫知愛茲松柏性用作棟梁資春雨桃千  
樹秋風桂一枝節高羣卉外賞在後凋時

謹按貢三先師詩文久佚今檢舊篋得改試帖窗課數  
首雖碎金片璧亦足徵非凡品矣

雲章增識

題師竹齋吟草

孫嶽金

國事嗟何及煩情付闕如一樽陶令酒萬卷鄴侯書興至無真  
草文成任毀譽常留詩卷在佳話說鄉閭

偶成

艱難困苦有誰知一點雄心誓不移  
驥老寧甘終櫪下鳥鳴應  
有止喬時唾壺擊缺歌聲壯  
彈鋏歸來嘲語嘻未解此生何日  
了聊將晚景當朝曦

南北奔馳老大年  
澆澆故我尙依然不才敢棄班  
超筆尙友常懷祖  
逃鞭半榻琴書銷壯志  
一燈風雨伴孤眠平生學業知何  
似羸得囊中未積錢

雨夜聞鐘

趙晉勳

中原正多故而我獨逍遙  
感世詩千首臨風酒一瓢  
清談空歲月好夢到漁樵  
愁聽東街市鐘聲夜湧潮

晚晴樓

連朝細雨忽東風  
片片殘雲散碧空  
九十春光何處好  
晚晴正值杏花紅

寄身稼圃度春秋  
五十年來尙黑頭  
飲食兼人腰脚健  
偷閒更上晚晴樓

題于烈婦事略後

事詳孫師鄭龍  
江正氣集

趙鍾喬

閨閣精研孔孟書  
芸窗課弟注蟲魚  
媧皇計拙天難補  
漆室心悲憾有餘  
侍疾曾嘗三世藥  
捐生寧羨百年譽  
乾坤正氣存巾幗  
入夢貞魂淚濕裾

巡鄉有感

孔憲熙



山林湖澤倦馳驅

蒞寧安年餘下鄉五六次周歷殆徧

屢問瓜期未有期但使荒蹊成坦

道

創修甯海汽車路六十里行旅稱便

不教數罟入汚池

有以滾鈎在鏡泊湖捕魚者每次數百十斤下令嚴禁之

蠲租無補三農

苦

邑多逋欠呈准減去十五年以前罰金及地方各捐特例也

發粟難除百里飢

十七十八兩年春均請發放積穀

羽檄紛傳邊有

警

中俄鮮起徵調正煩

輿人私誦太平時

浮沉人海幾經年

自光緒末年筮仕畿輔又南游蘇浙凡二十餘年無所建樹

鏡裏鬚眉只自憐賤日布荆

甘淡泊遲來兒女倍怡然

年及五十一生子女各一

難期吏治崇經術怕有流民

負俸錢當軸於今重農事家山無恙好歸田

和孫君襄文原玉

事變之後縣治南遷舊城內外屢遭匪患蕭條殊甚孫

縣長潤蒼蒞任後巡視舊治邑人佇候旌旗欣欣色喜

孫君襄文賦詩誌盛憲熙因事旋里聞而慕之依韻奉

和用寄所懷

炊烟蕭索歎懷城劫後思瞻召父旌覓句屢驚租吏衆

本邑租賦由蒙王徵收警學各

捐由縣摧索村公費區村隊餉自衛團費則由各主辦者按戶追討大有迎接不暇難以應付之勢

績麻常借月輪明

今秋糧賤紅糧一斗僅易豆油二斤貧戶多不秉燭

村居

竈冷兵如火

夏秋之際警團各隊以農商為逆旅強索酒肉曾見老農以飯瓶出售購酒面以待兵余住某商號數日遇中隊兵嫌食無肉而怒者二次

官廨堂空訟

未平

法署隨縣治南遷西北居民距縣署二百里幾於無所告訴

聞說賢侯臨舊治福星一路慰羣情

謹按孔君字郁吾以優貢起家宦遊直隸蘇浙吉林各

省所至有聲然終未嘗以詩鳴茲錄巡行二首係采甯

安唱和集和章係返里所作今讀之一則可作治譜觀

一則如繪流民圖也豈止詩云乎哉

秋日感懷

榮紹鉞

悔煞無端作客遊等閒容易又經秋滿城風雨重陽近四野烟  
塵極目愁投筆班超空出塞依人王粲怕登樓勳名未建羞窺  
鏡朝尙青絲暮白頭

自歎

孫仰夏

漫道機緣總錯過廿年身世感蹉跎看雲每悔常離岫觀奕偏  
驚已爛柯日對簿書成俗吏時談格調近詩魔何人携我溪山  
畔結伴漁樵興趣多

病中吟

胡作新

不事茶爐事藥鐺漫言疾病是愁鄉春蠶飽後絲將縛秋菊霜

來味乃香萬物皆由安逸敗一身莫憚苦辛嘗試觀否泰循環  
理歷盡三陰始復陽

其二

繁華徵逐惹愁思除却繁華靜最宜休戀杏桃春暖艷猶憐松  
柏歲寒知鐘聞清夜眠應覺花被狂風護未遲簾內晴光簾外  
月瓣香危坐默叅時

秋月書懷

卞會瀛

五十年華付逝波故園株守意如何着書有願傳難必看劍無  
心鈍待磨禮袪煩文嫌束縛詩不言志漫吟哦炎涼頃刻殊情  
態莫惱秋雲薄似羅

其二

盱衡身世悔多愆  
虛擲光陰五十年  
道義難肩甘不朽  
師資枵腹愧薪傳  
好隨田父心常逸  
幸遇詩人句漫聯  
莫動西風蕭瑟感  
此間可樂且盤旋

編者問前樂其盛哉

樂者禮之本也禮者樂之文也禮樂相濟而天下歸之  
禮樂廢則天下亂矣禮樂興則天下治矣禮樂者  
聖人之大器也禮樂者天下之公器也禮樂者  
天下之樂也禮樂者天下之樂也禮樂者天下之樂也

卷之三

續修懷德縣志第十二卷

古蹟

古城

石人

古墓

七人墓

古觀

古德

十八墓

古臺

百人

古城

古蹟

謝道野史卷之十二



續修懷德縣志

古蹟

古城

城在縣城南百里第七區小城子村村名以此周四百餘丈高五六尺不等據父老云六十年前城內西南隅有古榆一株大數圍蔭布畝餘下有古井徑八尺巨甃砌成有巨鐵練繫於樹一人拔之出數尺多人拔之則不動再拔則殷殷有聲以石投之不聞聲以繩投之數十丈猶不至底一日陰雨有牛墜其中村人以爲被水怪食人憤甚聚衆用牛十二頭以巨繩繫鐵練鞭牛曳之頃之有聲大振練終不多出鞭牛愈力而練折矣村

人恐其出爲患也昇巨石覆之數年石陷丈餘村人爰鋸樹實  
土耕於其上今欲觀其蹟不可得矣

### 石人

距公主嶺南十三里張家溝南臨柳條邊北依巨阜綠柳數株  
溪環於前隱穩有古墓遺址焉石人二東西對立距四丈高六  
尺被風雨剝蝕猶其翁仲形像又石羊二首北向臥石香爐一  
甚巨據父老云數十年前石人常幻爲醫生診人於數百里外  
自稱石大夫居張家溝每有從遠方來詢者村人後乃悟爲石  
人北有張氏塋葬後屢有凶兆今式微

謹按石言於晉春秋載之蓋有託之者也此石人其亦此

類者乎自晉郭璞著葬經後世信之多擇牛眠以求富且貴此地若不吉古人奚以葬此地果吉張氏又何以衰乎請以質誌號稱堪輿者

### 古墓

墓在四區戩子街村王家窩堡前俗名太師坡高丈餘周半畝許按秦家屯古城係遼之信州城此墓距該城十里又查遼史職官有太師之名豈遼之太師鎮守信州歿即葬於此歟惜無碑碣可考也

### 七人墓

墓在縣城西門外一里餘義地南刑場迤西一塚歸然即是也

事見舊志兵事門

古觀

觀在東大嶺鎮西門外清和宮西北角上刻獨步朝元四字橫額聯云性體返真潭月印靈骸永闕洞雲封道士韓復慶葬此道光二十年建